

新刊國朝二百家名賢文粹

新刊 國朝二百家名賢文粹卷第百三十八

記

堂序記四

佚老堂十景記

尚書黃公

佚老天也世之老者其識無所悟其精無所寄閑居靜坐四體
不動往往無聊之心生寧復旦從其志而已志於利者則苟得
勞之志於名者則偽行勞之志於長生不死者則凡可以圖生
者勞之悲夫去根遠矣復競其華而輔其實大本弗應遂敗其
根則若將為槁壤耳安所歸哉是謂兩喪魏君為佚老堂翼之
以十景于堂之奧為書室于室之右為琴閣于閣之東為松軒
于軒之北為竹塢于塢之西為月庭于庭之南為風牖于牖之
外有山謂之屏山山之下有泉謂之盈沼沼之傍有廊謂之吟
廊廊之隅有榻謂之醉榻以書抵乎白有是十景以示佚之有
所寓焉耳予謂魏君能寓其佚已賢於世之老者矣然而所以

當其佚者予知之乎人之心適理而樂生得趣而憂解夫苟有
能以書觀理以琴求趣而徒卷舒勾抹區區顧指之間終日不
釋則琴書之情弊矣是豈能寄吾佚乎役思于晝運意于絃其
樂不能無故子姑舍是出對松竹山泉之間風月之地更新以
適焉松以堅則不可乘虛則不可累故壽於他木子持愛其蒼
蚪伸騰碧玉森列風月之中玉簾駐雲金屑墮地幽人高士倚
其幹而踐其影神色聳然其絕塵拔俗之態歟非予之所寓也
風吾氣也有無之中去復不停觀其起發于幽谷披拂于寒林
而後泛濫于戶牖疏而行之則過之也微祛吾煩解吾醒而忘
吾倦精爽御之而往可登太虛而遊六合也觸之則鳴榔之則
攻或袂或揚逆當其衝使人閑結而不解然而我將遺吾筋骸
而抱吾一則是氣與風后歸于太虛焉非爲吾利害也哉月吾
性也水以清得之以濁喪之天以霽得之以陰喪之然而月也
無得無喪自水取之自人觀之而已西方既外子坐庭下而得

得之莫不仰齋俯清惟恐濁瞠之喪吾月也然而月之在人心
久矣而子獨不患心之爲身害乎山若仁也水若智也山之狀
如屏是天遺子以所依邪潭之狀如盆是天誘子以所容邪觀
山而思仁仁不足以依則弱觀水而思智用智而無所容則亂
吾之望子豈特截棄之峯清冷之泉能適其情者邪子勉以佚
歸是八者之理而寓焉然而閑適之中豈能忘言以發其理哉
則子堂步吟廊八者之理感觸而獻吾前乘之以危韻發之以
中聲數言得意一笑破顏南北其筒和鳴盈軸子之吟若是乎
雖然八者之理佚之所寓不使佚遊而樂荒佚淫而流蕩如斯
而已矣以理自賢以言自著豈老者之務哉宜務合理而會道
去言而趣點遂還本根而後已則子當登醉榻始舉而和再舉
而酣三舉而醺四舉而顛攀緣一熄然後遺我於渾沌不知老
之寓于形佚之寓于理豈復知有八者之翼吾堂哉子之醉若
是乎是未可知者也夫子未果知其爲人然而緝文以遺之不

亦過乎主成之冬魏君爲佚老堂即予乞詩于延平予方治行而東未暇作也擘舟相隨汙流而上凡月餘日然後得予詩于建溪後年刻詩于石走僕數千里獻予于都下復求予言十景予曰魏君真好善者也夫人閑居歲晚無原壤之侯則與其子孫從事於宴樂苟盡其年豈復有志於是哉是必有所見者故予惜其所寓不如是也反役於景終無所聞則是十景何益於子哉故又爲之書

眉州醴泉寺善慶堂記

淨德先生

士君子少而從政老而謝事去軒冕之勞就林泉之佚康寧壽考泰然自得其始終進退之際固已取高於人矣至于子孫皆能有立從而光大之則不可高也吾鄉祕書監程公踐歷寄任凡四十年風迹凜凜德惠在民及其老也得請而歸高堂廣廈足以奉起居之安坊亭茂樹足以遂吟賞之樂安車輕蓋足以游從之趣道衣野服足以資蕭散之味凡塵埃網羅深可厭

慈之事無一毫輒累其懷。賓客到則置酒高會。劇談大笑。少壯時往往日暮夜闌不欲其去。有子五人而官宦四。其二人則又以才能見用而仕亦顯矣。此退休之美。紹續之隆。皆可謂也。非獨此而已。抑有可紀者焉。公嘗念仲弟冰之之亡而報祀未及。乃以一子恩及其猶子。所以公之幼子尚未仕而冰之子已爲永於大理。則昆弟義好之篤。與古無愧。宜其見愛於鄉黨而推尊之也。郡城之西曰醴泉寺者。公之先世墓葬其側。歲時上冢必止息焉。榛蕪滿前。棟宇敗陋。公出力而完之。僧紹良德公之深乃建新室。繪公之像及諸子之仕者凡六人而尊奉之。且推本公之祖考以來積累深厚之所致。而謂之善慶。尚虛兩壁以俟俊哲程氏之族信盛矣哉。昔人蓋有父子皆至公卿兄弟同時爲二千石則前史錄以爲嘉事。後世藉以爲美談。考古揆今。良可尚矣。公官三品年八十古之鄉老也。斯室之成必飲酒以落之。子孫列侍於旁。鄉人愛公而來賀者或以爵或

以齒序位於前起而執觴再拜而為壽賓主相與尊卑相交樂
作於庭酒行而無等者有得盡其樂少者不敢忘其恭一席之
間有悅豫而無惰慢於此觀焉亦鄉飲之遺風歟陶同郡人也
想公之落成而不得惜衆賓之未酌以獻公退而從政者以出
安能無慊於心哉得書其事不敢詳也元豐元年十月朔日

黎州來或堂記

楊祐夫

沉黎治西南與雅威茂並隸印度府為邊州徠雅野黎猶羣行
而實不勝若威茂引山黎下遠其然其地皆控要害南界雲南
西障吐蕃故州雖小選任嘗以才吏崇寧四年杜侯由漕帳領
州事始到完鄂櫛精械仗通關市堅約束無幾何時內外斷斷
就次州以無事於是因餘日漸守居度地西北隅敞堂三楹既
又取詩蠻荆來或語以來威名之曰吾非規遊觀也將以合賓
左鄉羣獠於此焉耳夫陞夷非來而馴取之難也既來而撫作
之實難天下幸無事四夷安寧無為戢戢毛牛出於馬壘

珍諸奇怪物莫下吏吏方撻挺扶指呼其前勢狂而法劫之時
有侵食恣所乾沒無敢括意今吾以東北人初不相聞語須譯
乃通正復紛訐猶不即曉尚能與之上下究切其情乎彼貪墨
強需固不足以辨此而峻累健銳又徃徃惜以生事是以撫循
之難吾日勉焉而不敢置此堂所以名也昔者馬伏波置堂弟
書曰刻鵠不成尚類鶩登虎不成反類狗吾常刻誦謂為要言
嗟乎效何鄙不得猶為柔熟吏效甘陳不得則為疾人吾可无
惕耶聞者咸以疾言為然疾惟人也名某字无逸与垂崖同里
父兄多以才能名天下而疾尤廉利矣發為垂崖為人所臨轉
稱最及是乃痛裁挹趣和平其名堂又知出古人意皆可為重
堂法不可以无刻也於是其僚相与告於侯請刻為堂時侯方
乞官尚未報可六

安老堂記

濟南先生

其或老之難安也乃少之時陰陽戾之血氣使之心志謬其欲

而迷其直勢利其前而誤其後未易能安之若且喪矣卻視
向日之爲宜甚盛節以安然貧夫鄙人嗟老景之已至念極日
之足惜恤前志之未充寧肯謀之匪良方日苟求无厭務得患
失害其偷朝暮之生汲汲爲子孫之計即義日喪廉耻太喪貧
於富豈有則曰言者矣譚貝財較腐素之術始詳矣未忍舍也墮
兼井而且阡陌巧誘航以絕山海籠物貨而无餘藏運籌望而
無遺策其心於鉅力之間太濟六鎔鉄之末負載於道路轉徙於
塵劫貧夫徇富死而後止貪於貴者則曰吾天矣結知遇貴名
善之術始明矣未忍止也履公門而躐躐解朝庭而裝回銜筋
力強飲啜以須臾皇朝明職愈隆而意愈切祿愈豐而交愈深
故愈愈重而望愈輕拜爵高而德愈薄貪夫徇貴死而後止然則
日暮途遠而倒行偏入鐘鳴而未止類貧夫而富貴者有以累
之出改曰其哉老之難安也居士新作西堂以安老爲名然居
士之安非惟老而後安安之也久矣郭外之田足以給養餘卹

內之圃足以給殖茹而未嘗求羨裘葛足以具伏臘祿食足以
備婚嫁而未嘗求豐亨子曰富不可妄致也吾老矣求安而已
居士以文學知名於時聲聞諸場屋荐為禮部乙選遂擢上第
名公巨卿爭欲出已門下一唯諾足以得薦擢而取於附炎平
生故人多在相輔一舉手可以登臺省而耻於自售居士曰貴
不可妄致也吾老矣求安而已故雖起家為郎於朝有曼容之
高風端居十年不調有淵明之勁節或曰嵩少真限山水佳秀
竝列左右築室焉下足以專天下之雄觀奈何踟躕於里閭之
闕哉居士曰吾家安者也舍易就難舍近就遠則內勞吾心內
勞吾身但見夫勞而不知其樂不獲其安而先撓吾天和矣此
先人之故廬也即而新大之吾心猶飲然吾行年六十有二人
間富貴不可妄求從吾所好行將挂冠懸車養身以退歸老此
堂志已定矣人生七十雖居是堂以安吾老知復幾何時哉則
居士之所養可知故曰居士之安非惟老而後安要之也久矣

夫安之焉樂世之人未嘗知之及於病然後悔而求安及於勞
然後慮而求安及於危然後懼而求安則向日求安之心皆妄
未有能安其安者故老而能安已可尚矣非惟老而後安乃每
以安老為心非達觀勇退無妄君子不能也故曰居士之所養
可知矣元祐三年八月初三日太華李薦記

寶籍堂記

濟南先生

元龜象齒大貝南金世以為寶是為難得之貨天球河圖和弓
垂矢世以為寶是為希代之珍然連城之壁開秦趙之隙照乘
之珠召齊魏之難文仲以居燕獲譏虞叔以懷王賈害故君子
之寶寶乎可貴之道夫傳道以文六藝之書曰氏之學歷世之
史諸儒之作輯以簡編著之載籍天人之奧此其蘊也其緼可
索也理義之妙此其旨也其旨可求也治亂之端此其迹也其
迹可視也言行之實此其効也觀其文以味其言得其言以原
其道精微要妙藏於一身而無餘周於万物而不足充之可參

於天地勉之可至於聖人糠粃糶餘者其實足以濟事業其華
足以成藝文大焉以之潤色鴻烈小焉以之綴飾史筆矣在藏
之齋積玩之掌握然後謂之寶哉

思白堂記

後山居士

元豐四年余遊吳過秀見林侯侯家于蘇而官學于杭能道其
江湖山林之美遊覽之樂而甚愛思白堂也其秋八月就舍錢
鹽問思白之堂而往觀焉臨淵而望西山樓觀出焉淵深而林
茂魚鳥樂焉江海山澤林廬之氣相錯風林水聲鳥獸之聲相
亂而雨暘寒暑晝夜之變不齊也慨然懷願吾人之風聲而自
樂一時之得意宜侯之甚愛而不忘也而耆老豪傑文學之士
請載之石以侈其賜余未有以辭也湖之東洲保寧之寺故唐
刺史白公居易燕遊之所也近時律師某治其後堂而請于侯
於是名之以致其思又大書之以表其趣而思白之號聞於吳
中夫前世特居之主有傳於後者多矣獨有意於白公何耶進

則效其思退則存其身仁以成政文以成言此公之行而侯與
士大夫之所思也公爲刺史知民之膏於水也築塘浚井其利
至今豈特士大夫之思哉夫怨其所惡思其所好人之所同士
以德言長以功利其所異也而吏無全能故上下之論不一若
公則思者衆矣士之爲善誠無事於言而行終其身功盡於事
必待言而後傳則又不可已也公言見于書行見于史故今有
以思之此言之不亡而記之所以作也林侯嘗以集賢校理通
判秀州今爲尚書禮部郎中其文學行治略與公等後之人又
將思之其可辭乎明年而余北歸又明年而爲之記不知余丈
使人思之如爾侯否

照碧堂記

齊先生

去都而東順流千里皆桑麻平野無山林登覽之勝然放舟通
津門不再泊至於宋其城郭闌閑人民之庶百貨旁午以觀也
川則浩穰亦都也而通都來者則固已曠然見其爲寬閑之士

而樂之豈特人情倦覲於其所已厭食而欣得於其所未定將
夕從事於塵埃車馬之間日具而食夜分而息若有馳之急不
得縱而與之偕者故雖平時意有所樂而不暇思及其脫然去
之也亦不必山林遠絕之地要小休而整適則人意物境平暇
而不遽蓋向之所樂而不暇思者不與之期一朝而自復其理
固然此照碧堂之所以爲勝也宋爲本朝始基之地自景德三
年詔即府爲南都而雙門直別宮故經衢之左爲留守廨面城
背市前無所達而後與民語接城南有湖五里前此作堂城上
以臨之歲久且圯而今龍圖閣李士南豐賈公之以待制留守
也始新而大之蓋成於元祐六年九月癸卯橫七楹深五丈高
可建旌自東諸侯之宅無若此尤者先是南都歲賜官僚賓客
費爲錢十千緡公奉已約亦不以是侈厨傳故能有餘積以營
斯堂屹然如跳出堞上而民不知可以放懷高蹈寓目而皆適
其南汴渠起魏亢楚長堤迤靡帆檣隱見隋帝之所以流連忘

返也其西商丘祠陶唐氏以爲火正曰閼伯者之所以有功而
食其墟也其東雙廟唐張巡許遠捍城以死而南齊雲臺所以
馳乞牧於賀蘭之塗也而獨梁故苑復道屬之平臺三十里者
名在而跡莫尋雖隋之疆亦其所穿渠在耳豈太靡者易熄而
勲名忠義則愈遠而弥存不可誣哉初補之以校理佐淮南從
公宴湖上後謫官於宋登堂必慨然懷公拊搥極目天垂野盡
意若退鷺太公者花明草薰百物媚斌湖光潏漫飛射堂棟長
夏畏日坐見風雨自堤而來水波紛紜柳搖而倚靡鷗鳥盡舞
客顧而嬉脩然而不能去蓋不獨通都來者以爲勝厭食於吳楚
登覽之樂者度淮而北則不復有至此亦躊躇相羊而喜矣夫
人之感於物者同而所以感者異斯須之頃爲之易意樂未已
也哀又從之故景公美齊而隋以雪涕傳亦曰登高遠望使人
心悴然昔之豪傑憤懣憂世之士或出於此若羊祜太息峴山
之巖嵒固可人其志有在未可但言哀樂之復也公與補之俱

起廢而公爲太史氏補之亦備史官間相與語斯堂屬補之
之而已公再守南都補之守河中書來及焉補之書諭吏所
館有一日必葺去之如始至者有不掃一室者夫一日必葺以
爲不苟於其細則將推之矣不掃一室以爲有志於其大則不
可必卒之其成功有命則姑與審之賢於此乎未辯西公之意
則曰吾何有於是從吾所好而已矣二賢之上也公名縻字子
開文學德行事君行已爲後來矜式其出處在古人中其欲有
爲在天下後世其卷而施之一邦不以自大而以自待又樂與
人同者如此堂不足道也建中靖國元年十二月戊戌記

讀書堂記

木鴈先生

古之文字未煩悉也襍契臯叢之生典謨尚出其身後
豈有書可以誦習哉而襍契臯叢卒爲萬世師孔子時
書漫漫多矣然詩書易春秋皆待孔子而後成禮樂則

徒有其說而已。是三千之徒。其見六經。蓋或未完也。而孔門高第。類有王佐之才。其下爲將爲相者。咸著績業。其退而不仕者。亦淡然適於性命之情。自諸子九派。紛紛於後世。書至汗牛充宇。而黷門立黨。口授筆傳。不勝其多。學者以博覽爲賢。六經傳注。以至百氏世傳之史。旣以漁獵之矣。曰未也。下至卜祝醫治之術。釋老之教。無乎不閱。然而人材愈陋。事功不臧。莫歸歸于昔人。則讀書之與不讀。未可議夫損益也。今夫閭閻之人。初不能佔畢。而諷急就。及激於義理。則出辟制行。往往萬卷五車。學士忸怩嘆息。不暇。豈道德之運在神潛而心得。誠不止於簡冊間歟。予友房少猷。年少雋。今獨往特立。不爲瑣瑣計。願嘗杜門。揖古人。而與語方新。其所居之北築堂焉。名曰讀書。謂予文記之。予謂書不可不讀。苟不得其所以讀。則不如不讀之愈也。君今徜徉乎文囿。

揭厲乎聖涯汎觀詳說志氣日益靈可以至矣而猶
笑於高人以謂君之所能者書耳中有物焉伏羲之所
不能畫蒼頡之所不能制君嘗試捲卷茫然以思適所
得者果何等耶則效堂之成毀君或未自保也雖然申
鞭轡而後即馭之妙自規矩而後造匠之巧寶藏典訓
以示家法固度越斬券契崇廟幣者千百倍矣蓋不可
不陳者姑如是焉可也必拘拘然不徹於象數之外茲
堂也不幾於書肆乎且有輪以過君堂下其將何辭以對

積善堂記

濟北先生

積善之家必有餘慶孔子贊易之言也而晁氏得以名其堂何
邪惟宋八世道隆而治治皇帝以聖孝旌古烈考亦以教民孝
詔歲丁亥爲大觀元年因大赦天下民百歲男子官婦人封仕
而父母年九十官封如民百歲於是故漳州軍事判官晁公諱
仲康之母夫人黃氏年九十一矣其第四子仲詢與其兄仲謀

喜而議以仲詢走京師狀其事省中爲漳州請漳州雖沒赦令
初不異往者於是丞相以爲可而上之制曰黃氏蘊仁積善享
有耄齡可壽光縣太君其子榮君之錫而慶其親之享斯榮也
以少牢告祔廟且告漳州又告其祖如祔廟禮又周示其族人
鄉黨作堂以奉夫人而名之曰積善退飲酒相和爲歌詩以敷
訓詞以昭天人之淑慎以慰其心而介其頤謂補之曰吾君盛
德在書所謂歛時五福用敷錫厥庶民者其資及我家尔頃爲
春官屬列太史氏此國之昭其盛事家之餘慶尔職書之補之
曰諾禮祝則名君爲神厥也父前子名君前臣名爲尊厥也自
夫人言之皆子而下若載事法皆名昔晉欒書實鍼之父鍼爲
右書以將越載君鍼曰書退鍼名父不悖禮猶在益恭之列非
車上僂之類請以諭不知者而後書惟晁氏自漢大夫以忠採
七國之禍本而櫟之以安劉氏劉氏無遺禍享國四百年而大
夫不終漢祚以身膏東市奉祀無間焉又子有一百餘年而文

元公廷家仁義忠信樂善不倦蓋其於天爵實兄弟三入伯刑
部侍郎補之高祖也叔吏部尚書夫人舅也皆中和孝弟慈惠
而愛人用鍾其慶六世子孫男女嬪婦至口五百而夫人爲子
婦今存屬最尊又獨享是壽祿康寧悅豫晁氏之積善皆歸焉
抑晁氏自文莊公秉政勲業在王室逮今六十餘年而仕益微
似不可振而夫人之仁善於是獨報將其子誠孝幹母之靈神
實祐之亦夫人少嚮約晚迺諸此如訓詞旨蓋六世口五百未
有及者雖來者未可知抑鮮矣豈造物者報其人雖如易語積
善必之餘慶而享斯報者亦必如夫人淑慎身所自履有以致
之耶然晁氏爲善者亦多矣或不享又何也不然吾宗之餘慶
久躋且復起將自夫人啓之夫人既屬尊歲時集會子孫族人
蠡斯鴈行官學者冠者提耆抱耆少長咸在而哺之迺於夫人
爲族曾孫年五十五矣獨素髮垂領搢笏跪起以壽夫人於群
從之後蓋世之入見曾孫尚多有如如夫人見曾孫數十其長

者已白首又自有孫在昔良少於是具載本末以為世積善者
之勸士

新刊 國朝一百家名賢文粹卷第三百二十八

新刊國朝二百名賢文集卷第一百二十九

記

堂宇記五

迎薰堂記

馬學士子才

元祐二年春三月馬子與二三子客於程氏堂程氏鵬客酒半
酣道古今治亂成敗事慘戚不樂有風生於簷戶間飄人襟裾
已而入肌膚蕩滌腸胃骨中之感拂不平者不覺散失起視萬
物欣欣熙熙如春臺之人有喜笑色万竅起音如歌詠太平之
聲長枝蔓柔如曼卿如翟羽庭侑舞蹈盛德客曰異哉是風
何氣也馬子曰噫噫噫嗟此南風也遼乎曠哉曠數百千歲有
時乎一來今其時乎吾試為客歷古以數幾年幾何時乃一來
今我來矣吾聞舜格天五絃之上微動帝指拂拂而起被動
植鳥獸蠢蠢咸若湯之時吹雲橫霓霽雨掃滌八載之孽
而吾民後歟文武成東酣和塞周飄然自阿敦又路韋使天地

相考其樂福祿漢孝文時吾民阜財國亦富實大倉中郁之朽
敗者不可勝計唐太宗正觀之間與三代同其和年穀屢登行
旅不艱外方不開斷獄希少幾至刑措永受天命驅逐群陰聖
子神孫保養休息吾閭閻數十世聖人必興是風必來若合符
契禍災愁恨之氣立以滅息而生氣益舜五百餘歲至於湯湯
五百餘年至于周周九百餘歲至于漢漢八百餘歲至于唐唐
三百餘歲至于宋自舜迄今三千三百餘歲矣是風也凡六來
非此六時其風中人狀直悽悽看物顏色零落顛賴吾與客今
日之所遇何如哉茲其幸歟客於是名其堂曰迎薰而馬子記
之

芝堂記

斜川先生

芝爲祥草尚矣以其兆和氣而生非封植而成陰陽不得幸其
功用露無所施其力不暨禾牙乃並乃葉與夫群草木此其可
貴也古之君子蓋嘗有感於斯曰采三秀於山間非有道之士

孰可以況此神仙服餌五芝爲長年不死之藥漢以齋房九並
薦於郊廟是以瑞名之也哉吾輩有布衣楊公亮家世以好善
聞於鄉里爲藥肆以自給不取贏餘貧者賴之以生不可勝計
有子曰曾亦以孝謹稱葬親之三在事死如生朝夕必臨時物
必薦家事必告芝生其墓或採以獻鄉人驚異之曰此楊氏父
子爲善之報彼愚夫知其祥也而暴之亟往觀其廬祝之使復
生已而果然未幾僮僕人取以獻衆大嗟惜意其不復出矣不
逾月芝生如故鄉人然後知楊氏父子行必有稽於神明何其
響應弗渝而迪吉者三也或曰爲善者必有報造物者既知之
矣胡不大其門而昌其身而獨錫之以芝也寒不可以衣飢不
可以食余曰不然夫人之際必諄諄然表揚氏之德出於一鄉
一鄉之人有慾惡勸善者自鄉黨以及州閭推而至於四方相
勉爲揚氏子而耻其不及其爲瑞也豐矣故子臯爲成宰而成
人篤其兄穎谷封人食舍肉而莊公施其母詩所謂孝子不匱

永錫爾類豈不諄諄然命之乎楊氏築堂以旌之且屬里人蘇某記其事將刻石以告來者故樂爲書之宣和庚子十二月二十五日

惜陰堂記 爲鮮子無黨作

澗上丈人

聖人之於道旣已闢其源跡其派要其歸以待天下之至天下之人共尊仰慕望而莫敢自斲於必至焉者何哉孔子曰道不遠人人之爲道而遠人不可以爲道由是觀之道豈遠人乎哉至於孔子之弟子其最賢者顏子顏子之於聖人之道也曰仰之弥高鑽之弥堅瞻之在前忽焉在後蓋亦苦其卓也孔子亦曰道之至也雖聖人亦有所不知焉雖聖人亦有所不能焉彼聖與賢猶以爲若是道果近人乎哉烏乎其亦難至矣哉余譬道之在人猶金之礦乎石水之瀦乎源火之藏乎木而土之弗乎草其爲質固具其所處固近然人力不致則常鬱而不發故弗攻弗磨弗謁弗闢與夫鑿之攻之磨之闢之而不盡其力者

舉不可以異其有獲茲所謂遠也彼金人之於金水人之於水
火人之於火土人之於稼是皆能竭其力而必與其有獲者也
至於爲道者則不然其致力也及其自任也輕譬猶之楚而不
期至於楚之燕而不期至於燕十步一却百步一息中道而止
及門而返其至則又以爲道果不可以至則亦無感其至焉者
鮮也夫人之生操不可必之期而寓於留居之年忽焉適焉不
須臾時而耄已及之矣万事之變隨至風起所以役吾身排吾
心攻吾神者甚衆平居燕閒收視聽會精神以致思慮者亦無
幾時焉耳勉之猶懼其不及况弗勉乎在易有之天行健君子
以自強不息夫村之所稟固有厚有薄力之所任固有及不及
其所以致力者在勉之以不息而已耳今君命燕居之堂而曰
借陰吾知其志于道莫禦也顧求余之說以爲之記夫以君之
賢之才而又好學若此其將何詞以進亦道其所厭熟而不可
差者銘之其屋壁間其視聽之無忽

張氏安隱堂記

賢良王公

求安在於無心不能無心雖止不安求隱在於無名不能無名雖藏不隱蓋有心則思思則爲物之所役有名則顯顯則爲物之所迫人之生也其大擬乎天地其明並乎日月其序通乎四時可謂盛矣而卒至於愚死者累於物也万物紛紜亦各生其生也人乃以意好之好而得之以欲敗性好而失之以念困神得失皆苦何如無心万物皆歸於我吾且受之万物皆求於我吾且與之如是則是非迭作榮辱交起憂患具至何如無名且形自適而生有生則道有其寓道因形而寓有寓則形有其神然形豈能神哉道使之然也及神去靈絕而形與物俱斃形何有於我哉以是思之形固不足有矣形且不足有何用於有心心且不足有何用於有名如是則知所重矣知所重則物外矣佛之言得安隱以此哉先生雖自作室於洛都之中號曰安隱堂其亦知所重邪吾嘗觀之久矣踈通鬱達素內剛外與人無

間而未嘗求於人於物無惡而未嘗着於物貧富得喪聽其自來信其自去未嘗留意於其間優游里閭與俗上下人謂之同也不知其有所異人謂之流也不知其有所止嗟夫此其庶幾乎雖然能無心矣能無心之心乎能無名矣能無名之名乎道至於此而後備宜復以是求之

蜀州江原縣讀書堂記

尚方先生

江原古唐興也四達皆平原距邑城北走百步隆然如荒丘時農畦苕蕪荆棘不秋而悲世傳杜公讀書臺蓋子美昔寓居之所也皇祐庚寅清憲趙公令江原哀公之窮感其遺迹之淪因作杜公書堂於城上既繪公像于壁復敘其事刻諸石蓋杜公之寓錦江其詩及史具存獨唐興無所表襮雖學士大夫猶疑之迹諸傳記則高適之使彭蜀自天寶末而乾元庚子從同谷入蜀則於此先依高適矣其依嚴武在上元壬寅之後也故詩有陪李司馬觀制琴早江竹橋橋成承高使君自成都回邑宰王

潛新唐興客館于上元而公嘗記其事然則公之放唐安栖寓於此理或然矣後清憲四十有八年巨野仲素馬侯繼邑于茲陪北城卑薄更築高堂於杜公書堂之西飛翬輪奐屹然翌翔于翠碧之上望大岷雪山前立旁倚雲煙氣象出沒太虛如世故之無窮其下脩筠嘉木截截森楚如衣冠端士濯精光以相際揖仲素欲名之而未能因憲使察院頓公按邑而咨之公命之曰讀書堂頓公淮西先生也其好學天性不厭而論士興能亦先其所學命以讀書非特追杜公已廢之名抑居遊是堂者人得踐其實焉是名出而兩於義矣某與仲素聯邑而仕往返過之必登斯堂因屬某記其所以名夫堂之廢興迹數之可紀者雖微某孰能泯之然讀書之實姑爲仲素記其所不可記者某聞大物之外有非物之物焉散而聚肆而隱博大而至約以稽天地而得其度以觀万物而知其情人愛子而不能傳之也憂世而不能遺之也忠民而不能界之也離本根之會攬英華

而寄恍忽焉謂之書聖乎書乎已占之書龜既祭之芻狗乎知
神明之所通而非所宿也故堯舜之稽古三代君目之問學被
塵垢而撫容光猶能安天下國家惟無丘民而施之故放人而
有百世祀者陋巷而有同禹稷者匹夫而有承三聖者若夫習
矣而不察雖齊桓之能合諸侯一資輪扁之災况蔽塞而取禍
者哉是故楊墨讀之以賊仁義申韓讀之以敗道德衍儀秦李斯
讀之以亂天下非書之不可讀也特其所讀非所讀可讀不化
雖惠子之腹洛誦之口帶之而鋤誦之而束薪邊之筍也杜之
康也誰易其庸行哉若夫亂離失身而出言必憂國飢寒瀕死
而一觔不忘君非憂憂憤非忠義不發也文章歌詠非名教不
寓也此杜公之讀書也而世之人以其詩之該贍文之工博爲
杜公之讀書果知杜公也哉入其境父兄矜其教而慈子弟矜
其學而敬士不寶貨而庠序成人不愛情而歌頌公桑者微隱
而莊耕者強武而仁道有休石門有義漿稼穡被地牛羊蔽野

百里之內裕如也此仲素之讀書也而四方之士見其几席簡冊詩兼諸體爲仲素之讀書果知仲素也哉夫使天下知爲政之必讀書也知讀書在此不在彼也然則君子之正名命物渠非輔也耶元符二年六月十三日眉山張其記

叙州思治堂記

王臺先生

太守李侯到州之二日與予步自西樓至于東園坐于北偏之堂上慨然念國步之艱難慮邊民之疲瘁思所以綏靖安集之方者堂不其高廣前有脩竹一叢後據北墉之趾亦植竹數竿幽深淡泊與人意會仰視其榜曰錄堂以其名不典命予易之侯勲戚之裔世有閥閱又其出仕幾三十年嘗爲部使者廉察百吏固已詳練而優爲矣而出守一州猶怵然爲戒詢訪利病而不以爲易願堂之景物何足以玩請以思治名之志侯志焉昔曹叅爲齊相召長老諸先生問所以治齊者言人人殊獨膠西蓋公言治道貴清淨而民自定叅用其言齊國以安侯聰明

予者過人者也予既名茲堂又以此言於侯而爲之記侯名博
字厚之隴西元靖王崇矩之七世孫云

洪州右獄盡心堂記

龍溪先生

世稱皋陶以刑事舜其後封於蓼六至春秋時其國先王以爲
用刑者之戒余獨以爲不然漢于公素安郭躬皆以決獄陰功
遺福子孫至取卿相封侯累世孰謂皋陶明允篤誠而以刑之
祀哉蓋君子常患澤不得施與施焉不遽及物若持法之平司
人之命不擇位小大皆得以行其志者惟刑爲然使吾聽訟如
召伯折獄如季路哀矜如曾子君子怙焉小人懼焉雖世世獲
福可也然君子亦豈先處已禍福議人之生死哉期無愧而已
矣吾友蕭適用恢疎樂易人也始吾與之游得溫厚之氣於眉
睫間每上府休轍坐曹廳繫令輕重詳報奚書不以諉吏平友
吏識必以其情請罹文法者皆不恨余知以其刑受福也佗日
勵廢園立屋數楹列美蔭予前爲亭對峙而求訟於余余以爲

王制刑者例也一成而不可變故君子盡心焉禹思天下之弱
猶已溺之稷思天下之飢猶已飢之蓋古之君子於人無所不
用其至矣吾與子一杯相屬於此亦思有向隅悲泣滿堂爲之
不樂者乎亦思有禁切寒不得衣飢不得食者乎古之循吏鮮
不以仁成名酷吏鮮不以刑取禍經民死以喜怒行之幾何其
不挽弓自射也故余書以遺適用并告後之君子毋爲金福取
禍必無愧於心然後樂此

理窟堂記

捫膝先生

政和二年冬仙井俞某來爲閬中越四年秋作堂於縣治之東
北隅揭之曰理窟且率子弟而詰之曰子自幼時讀昌黎先生
書頗怪其淺陋褊迫不入於道蓋嘗觀其符讀書城南與示兒
之詩則曰一爲公與相潭潭府中居又曰不問官高卑玉帶懸
金魚嗟乎使退之善教其子弟則曰道德於我初不得以貴賤
加損而窮達外黜者也而其言乃尔何哉常人之情有夜半生

子者並仰天而祝之曰必尔卿必尔相是教其子弟竊聖人之道以餌爵祿者也若孔門則不然其子越而過庭曰汝季詩乎他日又過庭曰汝季礼乎初未嘗期為卿為相也未嘗教之以竊聖人之道以餌爵祿者也予嘗歎觀歷世之士其勲業之隆磊落文章之鴻博文章之閑傑自有天地以來未始一日无也至求其高遠閑曠蕭然自放於天地万物之表如邵曼容黃叔度陶淵明輩則曠然百世而一遇焉而其高標逸韻足以洗塵囂於末流宗至味於淡泊當時公卿相尚折節事之而後世士大夫固有終身想望其高風而嶷然不可企及者是數公者其身非有高爵厚祿軋天下而從焉者也而天下後世尊慕之若此何耶至道之妙固每足於吾之一身道存焉則我伸而物屈我貴而物賤俸吾之至貴以臨物則天地万物其何足以勝之昔之得此道者則曰謨謀廟堂臣不如亮一丘一壑自謂過之又曰第五之名何減驃騎夫以廟堂之尊驃騎之貴此天下之所共

慕而物之所不能抗者也而二子乃以匹夫之事當之則君子所以自重者果在內而不在外也子之作斯堂也蓋欲玩是理於杜窮淡泊之中自尔以來讀書不欲太多爲文不欲太工達事不欲甚解臨人不欲大索求官不欲太高謀生不欲太富唾吾而滅獲之不加歎吾而父兄之不加喜榮辱利害淡然无所經意則所重在我所輕在我死生亦大矣不得与之变則吾之心焉往而不暇以吾之有餘臨物之不足則天地一塵万物一髮而太山秋毫可以了然而兩忘之矣故草蓐食罷未嘗不宴安其間南望錦屏北望盤龍想少陵之歌詠魯公之游息房太尉之所經紀既足以道然一燭而張儀之所城孟蜀之所守王建之所爭顧又足以感慨太息嗟乎天地之妙万物之理古今之变初未始有定際也而拘滯之士乃欲以區區之身固執於其間其亦可哀也已烏乎安得六通四關之士与之共論此哉

万卷堂記

李忠愍公

造物之藏一闢万象叢出莫之為天地包之為宇宙照之為日
星變之為風雨雷雹散之為丘嶽川瀆猶走華實以至為君臣
父子昆弟夫婦之品禮樂技藝之文鬼神之狀九夷八蠻之情
未可遽以一二數也而吾以介然之軀處其間必欲通之則耳
目有所不際故老有所不傳師資友朋有所不喻莫若取經子
史氏百家之說所以廣日星之所以流行風雨雷雹之所以震
作立山川瀆猶走華實之所以生化融結君臣父子昆弟夫婦
之所以順適禮樂技藝之所以設張鬼神夷蠻之所以並荒怪万
象昭揭尽在吾方寸中然書契之作于今數千載名山所藏秘
閣所聚金石所摹家壁所襲浩瑣嚙離毫紛沙積玩之終身莫
能悉究得之多則為聖智得之少則為士君子茫然无所得則
為蒙陋无知之氓夫書有功於人也如此而貧且賤者苟安世
樂為衣食計雖欲習而不暇幸而豐於家矣但知藏金珠買歌

舞惟宴飲是崇惟政游是縱視所謂書與糞土以及對好賓斯
汗被面際不敢語始悔恨向之不孝也是不獨愚其身且培養
子孫昏惰淫放之慮故富貴之家不再世而流為賈販奴隸者
類有之豈不惑哉澶淵胡君秉國世儒李風度軒偉落落不凡
頗其貲可支伏臘不復覓官晝暉夜燭老于文字客至則為之
商榷古今是非成敗之理賢人隱士出處之迹關開節解而後
已不斟酌酒賦詩要不為无益也既以是自飽復欲分餉子孫
故架屋貯書万卷而求文於余以為記嗚呼賢哉去常人万里
矣虽然虛堂塵籙秘簡山積苟資游息采汲无功徒作蠹魚餌
爾戒哉戒哉勿負吾秉國之教云秉國名均祖正奉公執中嘗
從東坡先生游其間李源流可知也已

萬芝堂記

高隱處士

政和五年莆陽林公由秘書監出守斬春下車之日宣布詔條
獎勸士類請增置學官大起黌舍土木規模壯甲淮楚於是守

者皆欽業立誠人人自厚明年夏不雨公親走群羊甘雨隨
歲以大豐圻有餘財人有餘力始頤亭榭將為宴觀守居之東
有水閣曰涵輝者庠陋弗治撤而新之畚土築基構堂其上是
歲屬縣得芝草方有二千餘本獻諸朝公欲後大其祥瑞而壯
觀子郡國因堂之成名曰萬芝堂兩隅嵌以大屋其東則迴望
城北諸山為軒曰列遠其西可以挹美藻之風以消炎暑為軒
曰清夏又明年春大作樂會僚屬以落之是日也將雨蒼霽草
木萌動金石間作人諧物和兒童兒齒集公左右吏白詞止公
顧勿却曰吾於斯堂實志邦瑞游覽之樂與民同之是時州民
林敏功亦預在會公謂之曰即舊為新增卑為崇自力所及皆
旋曩昔若此盛矣勉為我記之敏功竊謂君子所以登高賦詠
極目千里豈專為服樂佚居之娛哉將由曠瞻遐矚神怡而氣
暢則思慮旁達逍遙乎事物之外而自得焉且夫臨洪河而念
疏鑿之勞登廣武而歎功名之會適原田而思稼穡望墟落而

懷與襄人之常情未有不因物而感焉者此君子所以居高明而遠眺望也其有狃於此者幾何人哉則登臨之勝壯麗之觀智力足以有爲亦何憚而不作昔令尹子佩請飲楚子於強臺楚子曰強臺南望郢山以臨方皇右江而左淮其樂忘歸吾德薄不足以當此樂也若楚子之言則然是未知農山之遊也孔子登農山三三子從之喟然歎曰於此致思焉則無不至矣各言爾志吾將擇焉於是也陳其勇賜也陳其辯曰也陳其德夫子咸有取焉以是觀之君子之好遊殆非苟然者也今觀公之爲邦也尊乎士民富之教之政成俗美然後乘財用之餘因農事之隙工徒竭作匪亟匪徐遂濟登茲將以究民物之利病論政事之得失豈獨會賓客容宴豆而已哉然公方將羽儀天朝顧吾邦不足以久公也成而不有實遺後人若夫衆人熙熙不足置論惟吾黨之士接武于此尚致思哉仕焉則思謀其政事焉則思憂其志無縱於佚樂而用強臺之言以自警庶幾乎

慶山言志之士以云負公之為斯堂也若是記之可乎公曰
子為我書之六年正月十八日記

漪嵐堂記

高隱處士

河南吳興老為江州德化令之明年作漪嵐堂于解舍之西以
記見屬時子病未暇也未幾臨川鄒慶錫游廬山泛九江登漪
嵐之堂歸謂余曰美哉漪嵐湖山之景萃是矣不可不記而興
老又繪堂之所見為圖相示余謂聞慶錫之言堂已在吾目中
況圖之詳且盡耶昔余嘗遊於九江謹風色之變動循洲渚以
棲息舍舟而登山行林樾之茂密訪嘉樹之深遠而瞻宮廟之
巨麗凡目之所見往往局近而遺遠覽此而忘彼求觀山水之
全而不可得也若夫外堂望焉則大江汎濫乎其前而廬山峙
乎其左日月出沒而太虛為之晦明雲氣聚散而山川為之舒
條長洲斷岸如蟻封鵲垤則帆檣所託依而桑麻之膏腴也或
汎于江或注于湖鱗者如玳瑁鱗者如鯢魚鱗之游泳而神龍

之替藏焉夷之官陽侯之室也煙消山明固岫重複則傾端寫
 瀑之蕩瀟瀟雄樓傑閣之基構而仙聖之都幽人之廬也至於疾
 風波惟慢急雨漂杙席方且賓尊俎之樂快耳目之玩而深山
 大澤發屋拔木毀梁斷渡與夫波濤洶涌高桅重載飄流無歸
 失性命於俄頃者不知其幾何人然則堂之景物四時朝莫之
 殊喜懼悲歡之交指顧之間莫不咸在豈遂纖悉而求者不可
 及孫會昇而觀者無所逃耶宜觀昔之君子極遲乎畎畝之宇
 一石出而應事物之務遠近不遺而小大畢李元他焉執簡以
 待繁慮靜以制動猶之作車室中而方行天下則在已者誠有
 道也初余與熙老居同里閑熙老慮事必詳臨事必懼余謂修
 世固善矣而詳不若要懼不若決熙老不以其言為過相去今
 三丘而觀茲堂之設然後知熙老有進於是哉熙老家舊多廢
 書近有江南來者聞其讀畫景對傳書益富是將博極其久而
 探其約徜徉其流而窮其原則其猶業又未可量而以一室觀

熙老余且陋矣政和六年三月望日晉安林敏功記敏修書河
南吳怡書額

惠州中和堂記

洪忠宣公

自宣室宸鳴之詩不作千有餘歲矣時與久相背馳而然今天
子紹開中興遠軼孝宣而鄭侯元任之治博羅復與王益州相
埒乃能推聖德之中而施于有政又作堂以名之追配前人固
無愧色夫爲政之道二寬與猛而已二者相濟如毛羹之有鹽
梅防民之以禮樂王侯所謂中和助夫子之忠恕子思之中庸
也近世猛者以鷹鷂擊毛鷲爲治刑人若刈菰莽下之重足以立其
失也刻寬則姑息選悞視吏如子無所誰何鞭扑生塵事不一
辨其失也懦惟精於吏治者不爾元任丁年以片言寤主不數
歲分虎符其所蘊必有過人者嶺表吏具見謂苟且博羅南際
海東與江右接壤異時吏盜肆剽野無嬰煙元任居真陽已不
鄙夷其俗既至示以中州約束凡有設施知所先後首修縣宮

以屢多士禮行鄉飲孝弟移風競練之弊而云而循良近民不
爲駭俗釣名之事吏知其不薄此官也相率束手奉法民亦洗
心累化天報屢豐且上下澹足山行海宿如在東阡北陌中棠陰
訟簡乃擴豐湖以衍吾君好生之德一亭一謝不變埃陋郡治
之西有廢圃遂培基建堂規恢軒豁不侈不隘役始於去秋之
仲功訖於冬之季民莫有知者既成以享賓客以合賓類以接
士民以折獄訟朝夕從事於斯上下和說州之父老雜襲來觀
曰吾侯爲慈祥平易之政以字我三年矣今將去斯而羽儀天
朝且名斯堂以不我忘使後之二千石循名以爲治則惠流此
邦染有已耶予謫居仁里久矣元任以書來需記其勤弗敢虛
其請於是乎書畧乃湖山之秀風物之盛予雖老且病億歲登
斯堂尚能補管以賦使邦人歌之

新刊 國朝一百家名賢文粹卷第一百四

記

堂宇記六

德星堂記

共室先生

全蜀西南大都會民夥物繁素稱沃野而潼川一道居蜀之左
祖宗以來曾未有以前執政出守者上即位之明年行在方駐
蹕東南顧蜀土險遠郵傳往往隔絕念非元勳重臣无以宣德
意而撫安我元元乃以右丞大賁何商宇文公知府事從新命
也以英偉傑特之資而輔以名家淹通之學自蒞歲已負天下
重望又彩之渾輝論議之詳明操履之公忠功業之成就政厯
清顯偏儀禁途不出國門而遂參大政以意言之其於郡縣之
綱條物理之情偽宜若視為大君子之細事曾不屑屑於斯也
公則不然始至潼川召十邑長吏親諭以累朝立政立事夫子
詔旨皆以保息愛養黎元為先務各修乃職以觀報政之期然

後去苛解疑務存大体宣酌民情敦厲風化寬大而輔之以嚴
簡重而濟之以敏沈詳而舉之以明惠養之誠勤勤懇懇盡吾
治者安而去之不下堂而府政一新大率仁厚而不迫鎮靜而
不擾雖邊鄙囊警而民安其生徭役迭興而民忘其勞千里之
內陰受公賜熙熙愉愉不聞憂愁窮戚之歎而皆有愛君樂土
之心焉故公之所為遠近數十郡視為準繩若貪暴而不仁傷
教害民之事則畏公之知至憚而不敢設者為乎口所謂以德
服人者歟既二年父老恐公之遠朝也則相子抗章借留于朝
廷天子美公之政且重違父老之請賜書嘉獎遂許之潼川之
人既喜公之來樂公之化而獲公之久任也則又相与築堂于
僧舍繪先太師穰國公之像于其上而從以公之伯仲與其子
為朝夕之瞻仰取東漢荀爽故事榜曰德星鄰令彭賓永紀諸
石且謂某登公之門受公之教為久且深者某不獲辭然切嘗
聞太師公昔為開江郡幕有陰德遺愛民為立祠祭享迄今不

絕上皇朝淵聖將就傳太師時通守臨江抗疏言宜選擇正人
為輔導之官上皇謂公佐貳一州而心存社稷詔賜封便殿
太師又奏言創業非難而守成為難多難不足畏而治安為可
畏今外平日久宜思患豫防以保守祖宗基業上皇嘉納對封
目稱其亮直忠信遂擢居鄆省方有意大用而太師遽以疾不
起某嘗論之曰先太師以一世豪英位不稱德用不盡才而義
方肅穆當出萃倫則於荀季和陳仲弓父子若相先後者至於
履道教忠萃于一門入預政機出使絕域斷大圭於雍容譚笑
之間孚信義於騁咍貪殘之虜志節凜凜可以貫白日而儼秋
霜難苟與陳方之偏矣是知操守堅正而忠義有餘功德兼隆
而福祿未艾非公之伯仲其孰能當之昔黃霸守潁川治為天
下第一及居丞相而功名少損裴度在朝威譽德業比郭汾陽
而晚節有流落之歎公逮事三朝周旋二紀方權臣用事介然
無所附麗在掖垣瑣闥最久封駁糾正殆無虛旬士大夫持公

議尚名節者獨倚公以爲重而應直醜正者聞公名亦歛衽交色不敢少有評議嘗請以補上皇對述文講讀官指言公亮節雖誠可爲士林師表昨日垂拱殿對宰執謂公特立守義不苟合觀之以十五年之久而靖恭如一日終不允其請初遷八座侍從侍從胥慶于朝而遂被之士相賀于兩學二十年華蓋藉考廷試門生徧天下所稱薦及與自代者至同時六丈人爲輔弼大呂持從橐居顯要者前後不可勝數年始強仕制詞已無爲元老舊德而公謙恭愈高恂恂似不能言既與外服聞聖恩隆雖西人欲其留而東人欲其歸天子方倚老成佐理中興則蓋公清淨之化行復歸之朝廷矣其故推公之用心與蜀民之所以愛公之意出於至誠不能自己者書以爲記而併及于此又以慰蜀公之異時之去思云紹興二在三月十日迪功郎劄南東川節度推官楊某記

藕耕堂記

曲肱先生

從兄季和爲隱居於饒州安仁縣雲蓋山下其落成也某適在
永嘉季和以書來云吾向欲爲堂而以耦耕名之屬吾弟爲記
吾弟以謂堂未基規模風物未狀未可記今堂則成矣吾固未
嘗爲陶也腰鎌而得瓦未嘗斲削也捐僕而得柱高不踰尋虛
而靚深吾甚安之吾親與吾妻而子皆安之吾隱矣與世疎矣
將植梓千章立竹萬箇撫柯而休班荆而坐衣也吾妻可以當
機食也吾力可以當犁水吾汲溪之清新吾拾樹之遺生計足
矣大凡井畦幽遙茂林遠塢致力少時而償心晚歲吾兄者從
舉子較一日工拙欲以求官甚癡而極愚惜乎功名之心遲吾
十年然見大顧鬼云羊補牢未云暮也足見堂無長物獨欲吾
弟數語着堂中堂不空矣某審季和見命之意則爲書以報曰
從昔以來山林之勢與朝廷相權有道之士居山林則山林益
尊而朝廷畏之唐虞之際君臣懼然恐野之有遺賢商說尚摯
不出則操築執耒耕山則宰相處之矣周武王時首陽山有二

士王其愧之後世爲分謗而解紛者幾人劉奉爲辱儒生烹醢
壯士晚而綺黃之徒出而與之定適龐德公與妻躬耕諸葛孔
明何如人獨拜之床下且勢屈而智不降名實既定之矣昔吾
夫子在齊宋魯衛之郊意小不稱則脫然去之如傳舍至於楚
狂接輿長沮桀溺荷篠丈人皆下車式之遣弟子問焉而殷勤
或得其一言則反復其所以然之故何夫子分庭抗禮於國君
而不能忘情於數子其出處之意可以見矣兄今自處於沮溺
之間悟世而順情進名而得實者也世人不布衣爲官至爵執
珪拂外陞進舉幸而至者百一不幸而否焉者皆是也有道之
士進不偶用不利一日退即山林遂與朝廷相權其得失重輕
爲何如吾兄操持趣向無愧古人抱器業而未售其隱也可以
求其志矣雖然不能無責焉舜耕歷山農人遜畔仲尼曰耕非
舜事以救敗也錦溪之上僊嵒之西其人俾而脫禮固而少文
些蘇而安佚流居有暇容顏色詞之間能取其入而歸之於若

子則不無補於風教予以是作書報李和因緝而文之以爲記
建炎己酉春正月戊子弟記

景瀟卿學易堂記

續雲先生

景瀟卿以經術教授東川由其門者爲學皆知本根有依據一
日以書抵巴郡馬時行曰余晚學易蓋精思而得之其洪範皇
極之言乎皇極建而五福應否則六極也易之六爻惟二五得
吉常多餘爻凶悔吝應之中不中之效較然於畫中余自以爲
得也渙然王憂結廬武信與易起卧其中榜其堂曰學易子其
爲我識斯堂余之得誠得也贊之其未至也發之吾之心將予
之言是徵夫中者天下之大本瀟卿以中求易是矣然非中之
難用中者之難何也中無定跡曰天地之大至於圭撮毫髮之
微中皆寓焉求中於尺寸中矣易之於尋丈則尺寸之中已畔
於尋丈求中於尋丈中矣易之於一畝之間則尋丈之中已畔
於一畝孔子曰可與立未可與權孟子曰執中無權猶執一惟

學至於權然後可以用中物之不齊而中皆適焉故愚嘗讀詩
書禮春秋聖人之經書易聖人之權書也約天地變化之至權
以權乎人者也衡一定而權之變化無窮衡有權然後權任重
輕而得其平道有權然後道適變化而得其中故曰其為道屢
遷變動不居周流六虛上下無常剛柔相易不可為典要惟變
所適聖人辨此以用中於民而易之道有以被生靈宰萬物亘
古今而不賁故又曰苟非其人道不虛行也中見於爻象用中
者隱於爻象之表嘗試與審知遺象志言一日二日以其身出
與世故靡一不當則是非毀譽紛然而起當是時所以處其當
者非真易也邪以是求易則二五中之位非中也中在我而已
亦惟五為皇極之位建極者非五也得是以揆爻象之變則爻
象不隔於微百事為輒貫於精義矣審知曰不然願復之審其
然也請書之學易堂之南榮以為記

父師嚴而重子弟異之友唯其親人樂之臨父師問而後言
恐誑誤出門得友雖然相悅非彼難而此易情勢然也故士不
可無友然朋友之道二鮑肆蘭室醴甘水淡氣類各有合一不
慎焉銜觴饗又流入小人之歸見者去如避牢孔子曰無友不
如已者又論三友三樂損益之戒特申之曰樂多賢友此垂世
之深旨也紹興壬子夏五月余歸汝僕嘉羅自之馬氏頗愛大
峨之下松竹陰翳清泉應澍因杖策幽討訪合江友生史平孺
之居平孺延入南室其子肩書實壽拱而立吾二人岸巾揮麈
莫逆於心顧瞻壁間圖畫則皆唐宋勳臣遺像余遂持龍言以手加
額曰掛此諸人使令坐不定平孺曰山間真偶寫耶烈之真姪
香面之婢兒曹亦想像而師法也余曰何師之多願師宣父而友
諸人之賢乎昔萬章問友孟子舉三不校郭而不之且以一鄉
一國天下之善士為未足迺復尚論古之人誦其詩讀其書美
考其行不可以極尚友之道嗟乎耳聞目識鄉人足友矣貴而

至一國又貪而至天下猶云此生入耳九原可作必參稽詩書
論其是非而去取之彼古人也猶有所去取取其賢而避不賢
故也今欲謀則友元齡欲斷則友如晦欲獻者友鄭公欲任重
友梁公李杜韓柳明並日月欲友其賢要當至其所至之域然
後有所去取可也皇宋御極輔佐皆最龍虎一時風采照映夷
夏誠指所出屬韓歐范輩則容色溫厲若太山喬嶽徘徊其下
使人思慮无邪最後一癯仙重眉峻目紫色而長髯粹然其容
汪然其量腹中貯蓄古今治亂平生備嘗險阻艱難寂默不語如
古鑑而塵昏也蓋其我炳靈蜀生斯人自斯人出相如子雲揖
而兄事之此何人哉歌曰墓頤之秋月明風細心契神交共此
一水烏亭老僊其存乎其亡乎其興化爲友乎其尚可內爲友
乎友當以是爲賢乎孺子拜曰瞻之在別忽然在後如有所立
卓爾吾不其所從矣明年八月日追其言書以寄之碑刻諸石

皇帝哀矜庶獄屢下手詔以戒郡邑諸獄吏丁寧惻恤利賾仁
哉四方臣吏仰承眷訓弗自暇逸於庶獄尤盡心焉茲於東州
素號繁劇予初至之日累繫繫數百人平亢拘大辟居半予
甚憂之太守韓公恪精吏治仰體上意獄必以情予奉教令大
克觀省弗敢怠惟其勤弗敢私惟其法弗敢易惟其察至于再
至于三獄獄勿行吏茲盡洗迨歲終獄用告空越今年五六月
九月又告空焉父老鰥曰前此未之有也解之西隅舊有小堂
爲兩造之所凡讞不完者修除之墻宇欹壞者完固之楹桷昏
駁者丹雘之前植佳木取其蔭也壅盆爲池注以清泉取其潔
也時以白芷取其不染於污也堂旣成庶一可計名曰無訟昭其
實也客有過而問之曰夫無訟者聖王之事子庶乃不知量乎予
曰不然此年天府獄空吏不絕書未聞郡邑以獄空之聞者予以
唐虞隨漢如此皆聖佐所冀而一郡盛事也藉令雖今或有至狂
狂者予不使有冤雖有訟猶無訟爾是名也豈獨過乎若乃洗垢

索齋亦罪律外迎合上官之風指以濟其喜怒之私又非予所知
世客惟唯而退予遂錄諸辭政和三年十月日鄱陽余某記

思無邪堂記

西山先生

予買田西山下才三十畝有李五百本皆離列相面意昔之有
思致如種桃種杏之高入逸士嘗居之因築堂其間適花時取
酒飲客誦昌黎先生領張徹投匭全詠李之卒章以思無邪名
之昌黎於花艷特喜李數有妙語賞之曰一生思慮無由邪則
非騷人輩玩好草木者所知獨眉山先生著畝無邪銘得其言
矣必光采絢麗足以發之可貴也此予名堂之意故有為伊川
一豕之學者雖文授真訣詩有異法亦在為思之病故其君子
多木而少土世頗以為惑予安得從二先生辨之年月日伊川
邵博中男父記

二江道齋堂記

吳敬先生

雙流有堂曰三相其得名最久按諸史牒壽廟立嘗長斯邑又

積殊異後相則天中嘗所稱三相嗣立其一人也餘二人蓋莫
知孰何或曰嗣立父思謙兄承慶仕皆歷鳳閣鸞臺邑人深德
嗣立故并思謙承慶法其形兒因集其門風而號以三相它族
不當間此或曰圖象故止一人好事者強增益之俾登三數不
知嗣立爲相實三拜三已所稱三相即嗣立也思謙承慶無預
焉余謂思謙承慶雖無預并存之寧過於厚若論斯邑要當以
嗣立爲主且究其本末嗣立蓋長於治民相國殆無足言自隋
改廣都曰雙流故今踰五百歲佩銅章結墨綬者紛不可記而
嗣立獨擅能名入踐臺閣以平章事檢校汧魏兩州不嫌遠外
先十八人請行晚益流落而巡察使猶表其清白可陟之狀所
長果在此不在彼當時最課諒非苟相諛說必有當民心可傳
繼者惜哉余未之聞也嗣立旣能得民其好尚復與流俗小異
雖居廊廟每自託於山林孝和嘗幸其居即詔嗣立襲道遥公
復故封復者嗣立之族人在宇文周時志節尤高嗣立要非負

封於宗廟立曾懷本姬似不以紛華盛麗爲說者顧尹能蚤自
絕於匪人與楊宗崔趙同執國柄豈必真知方外之樂抑亦羞
處污穢姑記此強自洗濯乎故余於廟立猶有取焉爾廟立去雙
流既五百歲而余實來品之頽敗殘缺固非當時比余又遲頓
宦閭不堪世用拊存凋瘵惟恐傷之得免斯幸而何敢望廟立
之最課若山林則余所固有也廟立又烏得以權勢而兼取之
乃即堂之南更啓窾戶采廟立故封而命以道臣簿領空隙倘
祥其間庶幾不失余之初心且爲斯邑故事云

冒川起文堂記

箕山先生

書於其牘察然以爲華是以謂之文者愚觀古聖賢之有作於
斯世煥乎其有文章者哉禹之謨皋陶之謨益稷之謨伊尹以
告太甲傅說以告高宗者君子顧不獨以文稱焉而亦咸甘盤
閻天泰顛之徒又無一言以傳諸其人豈其不足於文歟戰國
之時始以著書爲貴士各大肆於文高者爲虛靡下者爲縱橫

則凶于其國害于其徒而天下後世祖其說者乃其爲虛應者
不謂虛無而曰黃帝吾師也爲縱橫者不謂縱橫而亦曰堯舜
吾師也於是有行不顧言色厲而內荏者焉蓋不可以文論古
聖賢人夫以文論古聖賢人其猶論鸞泊塗山有娥有教姜嫄
任姒以色則未善姐已褒姒亦在可論也博曰有德者必有言
吾之尚德則其於言也兼之矣鄭晁其來守通義始登洛邵博
爲刺史時所作起文堂者堂上有刻銘謂故翰林學士蘇公軾
嘗其郡人能起三代之文故去予不知觀蘇公之文止於其辭
然書於其牘者耶誠如是則國朝斯文之盛豈一蘇公而已乎
盡不考諸古聖賢人以論蘇公則歐陽文忠公之所成就者五
十策之言不若王荊公咸發於前而陳扶風切瑳於後粹然始
有得於五十策之外而遂及乎三代然不果施於用乃去中國
以屬岫嶠而航渤海其文之所發徒以爲經奇宏偉詭於耳目
則其文爲可恨也今之人多喜以文論蘇公者大雅之士斯傷

焉因爲推廣所刻銘之意使聞之者有感而三代之文其果可復起也

萬壑堂記

觀堂先生

仕於郡國由賓佐而而達守藏吏率有守守而去之必徵徵而不從罰且隨之才者以故自強趨職不才者亦或強勉以求免其至甚不自乃始漫漶恣睢忍隸於刑書故人以爲吏道之難如此也官惟卒予世指以爲虛器彼亦虛器蓋自是不聞督責之命令告遽之辭以及之也士之樂囚循而就施放率以是自爲幸焉此其責十倍乎前而不憂而爲幸嗚呼其亦不思也已今人於世一有所負俄而償焉其責良已不幸不即償厚積而暴斂之所喪必多故以爲受責於人易受責於天實難人號可免也天不可号人或久而遂寬之也天不遠近必取而後已望之不審而來居是涖官以來飲食必祝之曰邦之士誰欤勿怠用副上之仁吾士也且脫我於責茲既不獲輒又自怨爲說曰

我其猶報之它曰於是夙夜所未至確鑿洗濯幸不慢死一
毫髮於世用補吾今日之過尚不知可不可也居既陋其相
東鑿山三丈投土於厓築半之堂冠乎其上一房以便出處
日徜徉湛思其中堂之陰聚山面之時倦置書倚楹望青嶺
有萬壑千崑之想恍乎如兩得驟龍禽被放鼓翅而飛去也
於是不獨求補吾過又有取乎樂矣夫過而不謝又重之樂
不揚欽驚彼其泰之疾邪望之不敢謹列其語堂上正冠
時讀之以自警焉

堅白堂記

方舟先生

君子少擇其所宜居如適然居之猶擇也猶則宜不宜有不暇
擇而唯其所適焉太凡人之事其四體莫不唯有安佚便利與
夫鮮華甘美之擇以為耳目鼻口之適一有不擇則焉非所宜
而有不適焉者則命之曰陋陋者不擇之病也故昔之君子出
則願為九夷之居其處也雖顏巷之陋不以爲憂者凡以矯出

之非所陋而取所宜者故能適適則不陋矣石以博主支非還
蜀不三月天子神聖哀憐其罪異以成都學官至是士支首語
以喜而嗟蓋喜其至而嗟以非所宜也既到官即舍懷寧救溫
之屋皆支撐摧剝以為居者方冬春交雪霰風雨之會屋之東
隅無他草木唯梅竹二物如相視而喜而相語以悲者方念所
以流轉棄擯以不即死得為此惠者乃天也因思所以自適者
試酌酒梅竹間長言之曰不曰堅乎磨而不磷不曰白乎涅而
不緇於是二物者相與笑之曰吾之二物所以得全於歲晚叔
實者以不知其名之居也今子以是與我而名焉我一而物眾
而我與物始為仇敵矣以一堅而受眾晚則堅者磷以一白而
受眾汚則白者緇若於是復舉酒以酌二物且聊以自適而為
求名者之戒年月日記

壽芝堂記

于楚先生

松間僧撰表邑鄭公子禮自湖南轉道副使就拜本堂提點刑

歲提刑置司衡州門衡州子禮落南寓家所在於是育芝產於
內寢一本九莖芝之色備具子禮築新堂未有名也客或考之之
詩名之曰壽芝生五芝生五嶽得以和藥皆致神仙壽千歲子
禮今年七十有二康定而好德其奉使典州皆有績勳諸由仁
者壽則芝之生豈徒然哉子與子禮廣西湖南同官又有連也
既書其篇又爲之記乾道丁亥十一月望歷陽張孝祥記

新刊 國朝二百家名賢文粹卷第二百四十一

記

堂宇記上

晦齋記

蒲恭敏公

嘉祐六年某旣爲迂堂明年於署之西偏葺糞壤除惡木雜荆棘闢園以植樹疏池以養蓮傍池之滑又爲齋以自居明牕淨扉澄澈虛爽波光日輝影射檐角嘉花美草下蔭地碧左右景物皆有可愛予終日來此盤桓徜徉灑然自得不知身之窮蹙困挫而其心油油以樂夫貧賤而自晦也夫自昔處窮養晦非特一人方其沉湮下流蟠縮未振之際蔽照匿光畜德隱耀不競撓不屑志不凌獵於聲名無它也自處者有所恃也伊尹晦於耕不知者以爲莘野之鄙夫也傳說晦於築不知者以爲商巖之窮人也太公晦於釣不知者以爲蟠溪之賤叟也爲伊尹者不以鄙夫動其心然後起而爲湯之阿衡爲傳說者不以窮

人耻其身然後起而爲高宗相爲太公者不以賤更悼其跡然後起而爲文王師是豈屑屑於其心哉屠狗負販坐肆賣卜是皆人之所薄者昔人有家垢被辱安而爲之無憾焉何謂也人不之知我無自鬻也耳所謂自處者有所恃也故愚以晦其智狂以晦其聖予於斯人之徒學夫晦以求安處夫晦以求明所以自養而有待其發矣噫志在天民予非晦其心造懷本朝予非晦其用身晦而心愈明迹晦而用愈光此予之所以終日無悶也以名斯齋孰曰不可邪嘉祐七年二月七日南隆蒲某記

杭州龍井院訥齋記

顥濱先生

錢塘有大法師曰辯才初住上天竺山以天台法化吳越吳越人歸之如佛出世事之如養父母金帛之施不求而至居天竺十四年有利其富者迫而逐之師忻然捨去不以爲恨吳越之人涕泣而從之者如歸市天竺之衆分散四去事聞於朝明年俾復其舊師颯然而還如不得已吳越之人爭出其力以成就廢錢

衆復大集無幾何師告其衆曰吾雖未嘗爭也不幸而立於爭
地以居而不去使人以已是非彼非沙門也天空之南山山深
而不茂泉甘而石峻汝舍我我將老於是言已策杖而往以茅
竹自覆聲動吳越人復至其所有鑿巖壑埤築室而奉之不期
年而荒榛巖石之間臺觀飛湧丹堊炳煥如天帝釋宮師自是
謝事不復出入高郵秦觀大虛名其所居曰訥齋道潛師參寥
屬予爲記予聞之師始以法教人叩之必鳴如千石鍾來不失
時如滄海潮故人以辯名之及其退居此山閉門燕坐寂嘿終
日茶落根榮如冬枯木風止浪靜如古澗水故人以訥名之雖
然此非師之大全也彼其全者不大不小不長不短不垢不淨
不辯不訥而又何以名之雖然樂其出而高其退喜其辯而貴
其訥此衆人意則其以名齋也亦宜系之以訥曰
以辯見我既非見我以訥見我亦幾於妄有叩而應時止而止
非辯非訥如如不動諸佛既然我亦如是

遺老齋記

穎濱先生

庚辰之冬予蒙恩歸自南荒客於穎川思歸而不能諸子憂之曰父母老矣而居室未完吾儕之責也則相與卜築五年而有成其南修竹古柏蕭然如野人之家乃闢其四楹加明窓曲檻爲燕居之齋齋成永所以名之予曰予穎濱遺老也蓋以遺老名之汝曹志之予幼從事於詩書凡世人之所能茫然不知也年二十有三朝廷方求直言有以予應詔者予來道路之言論宮掖之祕自謂必以此獲罪而有司果以爲不遜上獨不許曰吾以直言求士士以直言求告我今而黜之天下其謂我何率相不得已寘之下第自是流落凡二十餘年及宣仁太后臨朝擢爲右司諫凡有所言多聽納者不五年而與聞國政蓋予之遭遇者再皆古人所希有然其間與世俗相從事之不如意者十常六七雖号爲得志而實不然予聞之樂莫善於如意而憂莫慘於不如意今予退居一室之間杜門却掃不與物接心之所可

未嘗不行心所不可未嘗不止行止未嘗少不如意
之樂未有善於今日者也汝曹志之學道而求寡過如
之處遺老齋可也

盡心齋記

陳學士述古

夫人之所以配兩儀而神万物者以智耳雖三才之不能
以擴而充之一也天地積形氣而覆載無疆聖人積
四方能以心術盡於是其智與天地參乎何謂盡心之
明是為智曰始吾之生昭然而有為者是智也智則性
禮智皆其才也形口鼻耳目其居宅由戶也欲動乎內情也物
鑒乎外偽也智之不充情與偽交來而無窮則四端不能勝
官不能治而措土之此衆人之公患也聖人則不然充乎四端
治乎五官清明流通旁燭萬物情也偽也無所感乎其心其次
則不能無感於心也擇焉賢人也何謂心擇曰生於其心
所欲為之者是性也善也一而公者也吾從而推之生於其心

凡吾之不欲為之者是情與偽也惡也曲而私者也五

而拒

之推其所欲為而拒其所不欲為之者則仁義禮智四者之性
養而無害而中和之氣充矣其積於內也誠其接於外也公然
後可以習教事而盡人物之理其靜也有以見天下之
其動
也有以鼓天下之神其進退睽合也有以極天下之
以事
乎天下以治乎人而其心和平此之謂盡心之術張子
之為
藏司獄也治齋室于廡事之西偏巧文於子曰有詩書子是有
刑獄于是吾得以盡心焉因欲揭而名之然禮之言盡心與孟子
子之盡心有二說焉若性命則固所學也刑亦其職也二者烏
乎宜子告之曰君子務大不遺小能盡其性則天下之能事畢
於是獄乎何有焉蓋從事之賢者既愛而為之言又作詩論之

浩然齋記

谿堂先生

學聖人之道而不知孟子不善學聖人者也學孟子之道而不
知養氣之說不善學孟子者也士大夫平居燕閒望其容貌肅

然以正若不可屈以非義聽其論議高妙超然遠出乎塵垢之外觀其趣操淡然不以名利為懷視天下之事無足動其心者一旦臨利害而驚事權貴而仗處富貴而驕不幸而貧且賤焉則憔悴失志悲歌自憐若天壤之間無所容其軀是何者不善養氣故也蓋善養氣然後不動心不動心然後見道明見道明然後坐見孟子於墻食見孟子於羹立則見其參於前者無非孟子也大梁趙彥脩生乎帝胃而好學如布衣年未三十而落筆如老成人語其志豈易量哉為安仁酒官名齋曰浩然以書走臨川求余文為記余雖未嘗即其人考其行事徒觀其名齋之意則知善學孟子者也韓愈氏曰求觀聖人之道者必自孟子始彥脩可謂知其本矣余安得而不書某年某月日記

丁齋記

陳了翁

丁齋者合浦翁之居室也地廣一畝有半長二十有五尺四壁之外亦編民也唯良方門通出入之巷紐藤為樞折竹為瓦風

作則棟樑而瓦去兩至則溝溢而水來合浦翁罪大當死聖主
察其敬恭不忍誅殛故得待盡此室謂室曰腐名腐曰了齋如
蘇杞之齋肅心省罪不敢懈也了者終盡之意了以享上其事
既終屏迹聽命則其了屈而向石右者陰也於方為西於時為
秋榮者至此而衰焉動者至此而靜焉既衰且靜則超乎息矣
此合浦翁之所謂了也或問翁曰知了之士必了其心事終超
息是真了耶翁曰道本無名謂之爲了則既有名矣了本無形
見其屈伸則既有形矣一受其成形不忘以待盡合浦翁待盡
此室享上之了屈以聽命過此以往未可了也或者又曰天地
覆載父母生育國恩深重兼此二者翁之享上有時而了耶
浦翁起立僂體仰面而大息曰遠乎哉問也太古無始大矣
終了有古今乎了有終盡乎昔者以言爲事事立而了者其
之語非而未終右上之心晦而未白白其所非黑可守守其
有止雖能勿之既以一疏告神考在天之靈又著專錄

二卷著白十有九年聖政之美心語兩端激血俱尽然後收視
還聽焚美筆硯損食却藥任疾忘生惴惴而聽命焉合浦翁之
事猶有未了耶或者吁而言曰如翁之言是將以形盡而爲了
耳列禦寇曰世以生人爲行人則必以死人爲歸入矣行而不
知歸失家者也夫死生者形之起滅行歸者物之往來於起滅
往來之頃而求其歸焉此御寇擊空之說吾所不取而子將以
是爲了耶合浦翁默然而不答崇寧三年三月初五日記

靜勝齋記

浮休居士

天下之事非一不靜則不能勝也故爲齋居子堂之東隅南背
通道北臨水若有車馬之往來而并之交易晨晡夜響起歌笑
言相繼而作于外而聞於其中如是苟不以靜勝之則不能處
也非惟所處之爲然也職亦有之夫法令繁多民犯者衆淺深
重輕之際有所未明差若豪釐則陷平民於有罪生死見之於
目慘惻形之於心俛而深思苟不以靜勝之則不能當也非惟

所職之爲然也憂亦有之吾君吾相游崑廊之下廟堂之上攬
天下之萬務紛紜有不勝之理者則禮樂刑政安危治亂繫之
于身將帥之士惣師旅之眾奉征伐之事壁壘疆場兩軍相持
必有諂詐之謀間諜之士以往來疑恐於其間則千萬人之性
命寓之于一人居斯二者之際苟不以靜勝之則不能全也故
因其所居及其所職因其所職及其所憂自一室而及天下故
曰天下之事非一不靜則不能勝也齋有喬林脩竹又榮夏簾
并細連綺禽魚萍梗之戲可以悅目經史山積圖書左右庭琴
歌歌逍遙永日可以樂心居雖不寬裕如也然所謂靜者其在
於地乎在於人乎在於端居默坐終日無事而已乎由是言之
不在乎地不在乎人而在乎心也

尚友齋記

王煥先生

伐木之序曰自天子至于庶人未有不須友以成者信哉是言
蓋其詩以爲鳥之嚶鳴而求友聲自其出於幽谷遷于喬木未

始不然則人之出處皆頭冒常不由良友之助切砥礪磨以成
其事故神之聽之終和且平是有天下國家而至于伐木省之
殷無以易此也雖然聖人於其徒常戒以無友不如己者則士
之所與友固不可以不擇近則求之邦閭四方遠則求之詩書
復古稽其言行合其作止然後其人可得而並故孟子有鄉國
天下之善士其所與友皆以其類至於友天下之善士以爲未
足又尚論古之人誦其詩讀其書是爲尚友之說昔堯能契于
貳室與舜迭爲賓主而子思於繆公曰古之人不曰事之云乎
豈曰友之云乎夫惟不知方乘之爲尊而不知羣帶之爲賤大
無四方遠惡方止惟其人之爲求然後爲合古人之意則尚友
之義不亦大乎溫陵陳孝遠家富而篤義好孝而力行吾得其
一二事頗不類世俗所爲有如郡縣之令有歲而不修道路橋
梁有壞而不通必先出財以助公府之費而不必汲於因果之
施必最无所干公府而貧乏之人見必更濟讀書之勤手不輟

卷其舍南數米有別館軒宇明潔前有北樹之觀中堂設圓牀
環榻以與朋友共食士之篤實力學而無以自資者必就焉所
餐食飲寒暑裘褐油膏紙筆之費皆出焉遠之力密以爲常而
不計年歲矣以一布衣居閭里能如是使其身大富貴爲如何
哉吾遠固善士矣而溫陵大國吾遠之好友如是固當自一國
之善士而友天下之善士與之朝夕論古人之詩書稽行誼而
將作止則其所到又可度量乎故是齋舊以義名而來求予記
易之以尚友云年月日福清鄭俠記

求仁齋記

龜山先生

元祐戊辰秋七月予至自京師友人黃君過予問勞苦之暇因
謂予曰吾於縣北墉之隅西山之麓得廢址焉雜草葦石闢地
爲齋舍有詩誦之堂燕休寢息之廬賓客之位無一不具將聚
族親子弟教之雖鄉人顧至者不拒也子益爲我名之書其義
以告居數日子相與乎臨之其地高明亢爽下臨康莊之衢負

城西南諸峯首尾盤厲聯亘十餘里皆隱然得之几席之上而
俯仰之際如在深山大澤莽荒之間埃壒之表此真學者之所
居也予徘徊久之乃昌言誦之曰吾邑距中州數千里之遠舟
車不通縉紳先生與一時懷德秉義之士足以表世範俗者皆
無自而至士之欲爲君子者何所取資耶故後生晚學無所親
觀游談戲論不聞箴規切磨之益同則嬉狎異則相訾至悖義
踰禮而不悔雖英村異稟間時有之亦不過誦六藝之文百家
之編爲章句之儒釣聲利而已一日銜轡而不售則反視乎昔
所有皆陳腐剝剝無所用之往往轉而易業者士嘗六七此與
塵天販婦積百貨坐市區逐什一之利流徙無常者何異耶予
嘗悼之又竊自悲其力之不足欲逃此而未能思得吾黨之士
柔不溺于隨剛不憤于愆者相進於道庶幾少激頽俗今吾子
乃能經營於此以教學爲事是真有志者哉然予嘗謂古之學
者求仁而仁矣傳曰放於利而行多怨又曰求仁而得仁又何

怨夫銜鬻而不售轉而易業者皆放於利而怨者也吾願以求
仁名子之齋庶乎求之必得而無怨也雖然古之人所以求仁
不亦難乎夫孔子之徒問仁者多矣而孔子所以告之者豈一
二言歟然而猶曰罕言者不以仁之道至矣而言之不能盡興
故凡孔子之所言者皆求仁之方也若夫仁則蓋未之嘗言是
故其徒如由賜者雖曰升堂之士至於仁則終莫之許也然則
所謂求仁之難不其然歟學者誠以吾言思之以究觀古之人所
以求之方將必有得矣

雪齋記

淮海先生

雪齋者杭州法惠院言師所居室之東軒也始言師開此軒汲
水以爲池累石以爲小山又灑粉於峯巒草木之上以象雍熙
之集州倅太史蘇公過而愛之以爲事雖類兒嬉而意趣湛妙
有可以發人佳興者爲名曰雪齋而去後四年公爲彭城復命
郡從事里君景儒篆其名并自作詩以寄之於是雪齋之名遍

有聞於時士大夫喜幽尋而樂勝選者過杭而不至是則以爲恨焉杭州大州也外帶濤江漲海之險內指湖山竹林之勝其俗之巧羞質樸而尚美麗且事佛爲最勤故佛之宮室其布於境中者殆于有余區其登覽宴休之地至不可勝數然獨不至雪齋則人以爲恨何也蓋公之才高於天下片其棄餘以爲辭章字畫者亦皆絕妙一時讀而玩之使人超然有孤舉遠擢之意是齋雖褊小無足取稱於人而公所書詩實在其壁士大夫過杭而不能一至其地以寓目焉則豈所謂喜幽尋而樂勝選者哉以爲恨焉宜矣昔李約得蘭亭雲飛白大書蘭亭持歸東洛遂號所宜亭爲蘭齋余謂後之君子將有聞雪齋之風不可得而見者矣豈特爲今日之貴耶言師名法言字無擇泊然蘭酒人也蓋能作雪齋從太史游則不問可知其爲入元豐三年四月十五日記

元符三年洛陽縣公通守南隆浩書室於聽事之東而名之曰
愚齋而屬其爲之記某言於公曰愚有等級公將安處也有顏
子之愚有高柴之愚有蘄武子之愚揚子以是錯爲愚柳子厚
自以爲愚顏子之愚老子所謂盛德者也高柴之愚中庸所謂
不及者也蘄武子之愚則詩所謂亦維斯友者也晁錯之愚則
古所謂古之直者也若夫柳子厚之愚則事載方冊有不可誣
者文章學術爲百代所宗自唐以來論當世大儒則必稱韓柳
而自以爲愚可乎然正元之黨婦人女子皆知其必敗而柳子
獨不悟也謂之不愚可乎是數子者其愚固有等級公將安處
也以爲高柴之愚則才非不及於道以爲蘄武子之愚則生非
不逢於時以爲晁錯之愚則无戾楚之變以爲柳子厚之愚則
无叔文之事其將處公以顏子之愚則公豈有意乎公平生聚
書萬卷手不停披既已自得於心矣推其緒餘以教諸子皆卓
然有立其長于大壽以文學知名於時而公猶以愚自處此真

有意於所謂盛德者與傳曰晚顏之人亦顏之徒公何辭焉請以是爲記

周如愚植齋記

龍谿先生

余少時喜之龔上與知田者語其始過焉苗之芄芄者若孺子之起而立也其再過焉稼之粲然者若成人之愿而欲進也其三過焉稼之肅肅然者若壯夫之矜而欲試也於是余三過而三有得焉曰嗟乎物化之速也如是哉其天時地利之得乎農者曰吾於此致力焉進乎天時地利矣吾自土膏之作未甯食頃金田而嬉於孺子也懼其小日再視焉於成人也懼其汨日三視焉於壯夫也懼其搖日五視焉天時有雨暘雨之過也能腐之暘之過也能槁之吾而節之以歐澮之盈虛地利有肥瘠肥之過也能滿之瘠之過也能耗之吾而時之以菑畚之深淺於是乎有根莠之傷螟賊之戕五罪詎認然防之甚於盜賊之操戈入吾室也故吾嘗得歲焉良農之耕其獲三勤也常農之耕

其獲半忘也吾力田于茲數世矣而未嘗知水毀禾飢火旱之
憂汪子聞而歎曰善哉吾聞力田而得學者日新之道焉閔子
騫曰學殖也豈欺余哉長城周如愚闢便座於其居之旁而求
名於子蓋有志於學者故余篆其楹曰殖齋而并書其說以告

新刊 國朝二百名賢文粹卷第二百四十一